



UKA 2017/100
29/9-2017
Nivi Olsen

Uunga siunnersuut: Atuarfik pillugu Inatsisartut inatsisaata allanngortinneqarnera pillugu Inatsisartut inatsisaat nr. xx ulloq xx. xxx 2017-imeersoq. (Atuartitsinerup imarisaa, aaqqissuussaaneq, piareersaaneq aamma ilisimasanik katersisarneq pillugit malittarisassanik allannguineq)
(Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoq)
(Siullermeerneqarnera)

Demokraatiniik qujarusuprugut uani susassareqatigiit assingiinngittut suleqataanerat aallaavingalugu Naalakkersuisut piaartumik iliuuseqarnissamik ujartuimmata siunnersuuteqarlutillu.

Demokraatiniik pingaarteqaarput meeqqart atuarfiat alarnagu, piffissami naalakkersuisuuffimmi tamakkiisumik nukinnik atuiffingineqassasooq, tamanna assut demokratini maqaasivarput.

Aap qujanaq reformi tamakkiisoq utaqqinagu iliuusissat annikikkaluartut saqqummiukkassigit. Meeqqat atuarfianni kivitassat imaannaannngittut amerlaqaat, taamaattumik aamma naalakkersuinikkut nikisitsisoqassappat

Pingaaruteqartorujussuuvoq sapiissuseqangaarluni meeqqat atuarfianni pissutsinik qulaajaanissaq.

Uani suliarineqartussami piaartumik qaqpinqeqartariaqartut eqqaarusuppara ilinniartitseriaaseq assersuutingalugu differentieret undervisning, annertuumik pisussaaffittut pingaaruteqarluinnartutut atuutilerneqarnissaa meeqqat atuarfianni. Tamanna nalunngilarput, aamma paasivarput ajornartorsiut annertusoq.

Aamma pingaaruteqarluinnartut aaqitassaq qaqittariaqavissoq tassaavoq, inatsimmi piusoq meeqqat pisinnaatitaaffinggaat oqaasivimminnik atuillutik ilinniartinnejqarsinnaanerat.

Tassani annertuumik equngasoqarpoq, tassami ilinniartitsisoq kalaallisut oqalussinnaanngittoq, atuartuutilik assersuutingalugu atuartut sisamat qallunaatut oqaluttut, 15-nillu kalaallisut oqaluttut, taava atuartunut taakkununnga 15-nut kalaallisut oqaluttunut naak taanna pisinnaatitaaffik? Atuutsipparpot.

Aammalu Kalaallit ilinniartitsisut pingisagut marlunnik assingiinngitsumik oqaasilinnik atuartuutillit annertoorujussuarmik artorsinnejqartarput inatsit malillugu nutserisaqattaarlutik atuartitsisiaqaramik.

Tassa Kalaallisut oqaluttunut kalaallisut nassujuajarlarlutik qallunaatut oqaluttunut aamma taamatut, taava atuartsitsiffiusut nassujujaanertaa marloriaammik sivisunerusarpoq.

Tamannalu piaartumik aamma meeqqat atuarfiani sammisariaqarpoq ukiorpassuit utaqqinngikkaluarlugu reformi suliarineqartussaq.



Taamallu oqaatingerusuppara Atuarfinni Aqutsisut Illeqarfimmi ilinniarfissaannik aaqqissuussisoqartariaqvippoq. Akisussaaffik anginerpaaq inuaqatingiinni kivissangaanni pingaaruteqarluinnarpooq pitsaanerpaamik atutsisut sakkussaminnik tunineqassasut.

Tamannalu isumanni pingarnerpaatut eqqartorneqartariaqaraluarput, uku fagit ataasiakkaat nipilorsornermut tunngasut pilersinngit.